

盜逞其忿以擾民故賊盜愈多也數者有心求治而國愈亂有意安民而民彌貧蓋其不知政繁召亂之由故也是以聖人守正以治其國無事以治其民則民安其常樂其業故無禁忌無異心無機事無竊謀天下烏得不平哉是以聖人云我無爲而民自化也我好靜而民自正也我無事而民自富也我無欲而民自樸也此引古語以釋上文無事取天下之意

### 其政悶悶章第五十八

其政悶悶其民醕醕其政察察其民缺缺禍兮福所倚福兮禍所伏孰知其極其無政耶正復爲奇善復爲妖人之所迷其日

道藏輯要

道德下經釋辭

畜

心集九

固久是以聖人方而不割廉而不劌直而不肆光而不耀

其政寬裕無事無爲則民淳而易治其政煩瑣任智盡法則民缺缺然無措矣禍福互相倚伏莫知其極而人可不謹歟凡在患難之中若能悔過省躬戒慎恐懼邪自化爲正妖必化爲祥轉禍爲福所謂禍兮福所倚也凡在得意之中其若驕泰奢侈縱欲不反正必化爲邪善自化爲惡禍患隨至所謂福兮禍所伏也吁正則致祥不正則招殃故知治國治心者不可以不正也可不戒哉然人之迷惑失正固非一日其所由來者漸而人苦不知是以聖人防微慮漸畏民之溺也故方正其身邪者不傷之而自正清廉其德貪者不懲之而

自廉公直其心佞者不肆之而自直韜光抱樸使人莫能見其美

### 治人事天章第五十九

治人事天莫若嗇夫惟嗇是謂早服早服謂之重積德重積德則無不克無不克則莫知其極莫知其極可以有國有國之母可以長久是謂深根固蒂長生久視之道

治家不輕費財物以節其用治人之道得矣治身不輕耗神氣以養其性事天之道得矣嗇者儉恪之意善治身者無所不嗇目不妄視以嗇其神耳不妄聽以嗇其精口不妄言以嗇其氣心不妄思以嗇其真身不妄動以嗇其形而無所不

### 道藏輯要

道德下經釋辭

五

心集九

嗇夫惟嗇則能內安其心外閉其邪故神得返心心合於空  
空無所空以復其元初皆嗇之力也服卽復也早服者言其  
及時而復若待神氣虧損則不得謂之早復矣重積德者言  
人之身未有所損而又嗇養之豈非重積德乎及其用力之  
久積之自厚故足勝私欲而無所不克也私欲克盡性天湛  
澄可以治人可以事天自然與道立合莫之爲而常自然則  
終身用之有無極之樂也知其極樂則造化在我道妙由心  
故足以爲安身立命之所矣這箇安身立命之所若人得之  
超凡入聖爲不難矣是謂深根固蒂長生久視之道

### 治大國章第六十